

АҚПАРАТТЫҚ ХАБАРЛАМА

"БЖЗҚ" АҚ Басқарма төрағасы Жанат Құрманов "Зейнетақы активтерін басқарудың тиімділігі" тақырыбындағы дөңгелек үстел отырысына қатысты

2025 жылғы 12 ақпанда Сенаттың Қаржы және бюджет комитетінің депутаттары ұйымдастырған "Зейнетақы активтерін басқарудың тиімділігі" тақырыбында дөңгелек үстел отырысы өтті.

Сенат депутаттарынан басқа іс-шараға Еңбек және халықты әлеуметтік қорғау министрлігінің, Ұлттық банктің, Қазақстан Республикасының Қаржы нарығын реттеу және дамыту агенттігінің, "Бірыңғай жинақтаушы зейнетақы қоры" акционерлік қоғамының ("БЖЗҚ" АҚ) басшылығы, ҚР Ұлттық экономика министрлігінің өкілдері қатысты.

"БЖЗҚ" АҚ Басқарма төрағасы Ж. Б. Құрманов қазақстандық жинақтаушы зейнетақы жүйесі және "БЖЗҚ" АҚ қызметі туралы баяндамасында қатысушыларды әлемдегі зейнетақымен қамсыздандыру саласындағы жаһандық трендтер, елдегі демографиялық ахуал, МСГРІ жаһандық зейнетақы индексіндегі Қазақстанның зейнетақы жүйесін халықаралық бағалау, республиканың жинақтаушы зейнетақы жүйесінің негізгі көрсеткіштері, "БЖЗҚ" АҚ сервистері мен қызметтері туралы хабардар етті. Дөңгелек үстел барысында сондай-ақ, зейнетақы активтерін басқару тиімділігін арттыру бойынша ұсыныстар қаралып, талқыланды.

"БЖЗҚ" АҚ Басқарма Төрағасы Ж. Б. Құрмановтың **"Қазақстан Республикасының жинақтаушы зейнетақы жүйесі және «БЖЗҚ» АҚ қызметі туралы"** таныстырылымын көруге кеңес береміз.

БЖЗҚ 2013 жылғы 22 тамызда «ГНПФ» ЖЗҚ» АҚ негізінде құрылды. БЖЗҚ құрылтайшысы және акционері – Қазақстан Республикасы Қаржы министрлігінің «Мемлекеттік мүлік және жекешелендіру комитеті» ММ арқылы Қазақстан Республикасының Үкіметі. БЖЗҚ зейнетақы активтерін сенімгерлікпен басқаруды Қазақстан Республикасының Ұлттық Банкі жүзеге асырады. Зейнетақы заңнамасына сәйкес БЖЗҚ міндетті зейнетақы жарналарын, жұмыс берушінің міндетті зейнетақы жарналарын, міндетті кәсіптік зейнетақы жарналарын, ерікті зейнетақы жарналарын тартуды, сондай-ақ "Қазақстан Республикасының екінші деңгейдегі банктерінде орналастырылған депозиттерге міндетті кепілдік беру туралы" Қазақстан Республикасының Заңына сәйкес депозиттерге міндетті кепілдік беруді жүзеге асыратын ұйым аударған кепілдік берілген депозит бойынша кепілдік берілген өтемнің талап етілмеген сомасы есебінен қалыптастырылған ерікті зейнетақы жарналарын есепке алып, оның есебін жүргізеді, зейнетақы төлемдерін жүзеге асыруды қамтамасыз етеді. Сондай-ақ Қор нысаналы активтер мен нысаналы талаптарды есепке алуды, нысаналы жинақтау шоттарына нысаналы жинақтарды (НЖ) есепке алу мен есептеуді, НЖ төлемдерін оларды алушының банк шоттарына есептеуді, "Ұлттық қор – балаларға" бағдарламасы шеңберінде Қазақстан Республикасының Үкіметі айқындаған тәртіппен НЖ қайтарымдарын есепке алуды жүзеге асырады (толығырақ www.enpf.kz сайтында).